



Nunarjuaḷimaami Puḷallunnaup Ulluqutinga 2026mi

Inuit Nunanganni Puḷalluliqattaqtut Inuit nunaqaqtut Inuit Nunanganni 2024-mi **246.4-ngulauqtut 100,000-ngugutit**. Taanna **600-ngiqsuqtugu ungataaniittuq** Kanatami inuuliqsimajut nunaqaqqaqsimanngittuni.



Unurniqsammariuvut puḷalluliqattaqtut Inuit makkuttut nutaqqallu Inuit Nunanganni. Nutaqqat, piluaqtumi ukiuliit 5 tungaani, attarnaqtumiinniqsauvut puḷallurunnaqtutit pimmarittumi, inuusirmut attanaqtumik puḷallunnarmik. Surrainirivattanga puḷallunnaup makkuttunit ammalu innaruqpallialitainnaqtunut ilaqaqtuq ilainnaqaqtuagattanirmi, ilinniarianngigutauqattaqtuni ammalu annaigutaulluni pilimmasaqtuagutinit, ammalu ulavitauninginnut kiinaujjaksarutiit ammalu/uvvaluunniit pijunnarningit ikajuqsinirmut ilaigingita nunaqqatingitalu qanuinnigitsiariarutitsanginnut.



Piviusimajuq: Kanatami Puḷallunirmut Tusaqtitsugisiq, Februrary 2026.

Qanuiliuqujijjutiit

Puḷallunnaq nungutiṭtauninga akuniujukkut pinasuaqtaujuq tikiutigasuagtugu ammalu kajusiinnarlugu. Kiinaujaqaqtitsijariaqallarittut tikiutigunnaqullugu 2030-mi puḷallunnarmi nungutirinirmut turaagarijaujumik.

- 1 Takutsautitsilutit aniqsimanirminik puḷallunnarmi nungutirinasuarnirmi nutaannguriaqtaulutit gavamanut ikajuqtuqtaugutiit ammalu naammattuni, kajusiinnaqtumilu kiinaujaqaqtitaugutigilugu.
- 2 Kajusiluta sanngiliṭitsigiarnirmik qanuiliurutsanik ammalu kiinaujaqaqtitsinirmi nungutirinasuarutitsanik amigaqsilarutauvattuni inuusilirinirmut ammalu aanniaqarnanngittulirinirmut nalimugiinnigluarniujuni pijuumisaarutitsanik puḷallunnirmuungajunit.
- 3 Ikajuqtuqtaulutit piliriqatigiinniujut pivaalliriaqsinasunnirmut suqquiqsigutiqarnirmi, mamisainirmut ammalu nuqqatitsinasuarnirmut puḷallunnarmik.
- 4 Qaujimatsiariarutauluni puḷallunnirmut piliriatsait aaqquisuqsimaningit, pijatsaqaqtitsigutaujut ammalu isumaliurutauningit Inunnut siviliṭtaulutik ammalu Inunnik tunngaviqarlutik, ammalu paqqijaujjusingit iliqusikkut attananngittumiiqullugit ammalu naammagijaulutik Inuit nunalinginnut.

Naannaujuq Puvallunnaqtumik Nungutitsinasuarnirmut Sivulliujjaujarialit ammalu Pinasuarutaujut Inuit Nunangannilimaaq

Inuvialuit
Nunangat

Inuvialuit Nunataaqsimavingani

Puvalluqattaqtut amisuuningit innatuqarni attarnaqumiinniqaullutit puvalulikkannirun-nanirmut pitaqariaqaqtitsijuq kajusiinnaqtumi qaujisarutauvalluni, ujjirusunniqsautitaulutit nunaqaqtut ammalu aanniaqarnanngittulirijiit, ammalu sanngiliriaqtitsilutik aanniaqarnan-ngittulirinirmut pijunnarniujuunik.

Nunavut

Nunavut

Nunavut qutsilaangujuq, anginiqaangullunilu inugianniqaangullunilu Inuit aviktuqsimaninginni, 25ngullutit nunaliit iqpangallutit Nunavulimaami. Nanisinasuarniq, kamagijaqarniq ammalu nuqqangatitsinasuarniq puvalunnarmik atsurunaqummariugunnaqtuq ammalu akitujummariulluni. Arraaguni qaangira-taanguniqsani, nunalinnut sivuliqtaullutik puvalunnarmik qaujisaqattarniq ikajurniq-aqsimavuq ujjirusuliqtitsigiakkanninirmi, ulavitsisimalluni aitturluutauvanninganit ammalu inuisalligiaqtitsinisimajuq puvaluliqattaqtunit. Inuuqatigiit saputijaugiar-ninginnut piliriat, ilagijaullutik niqitsiavalirinirmut ikajuqtuijitiit nunalinnut puvalunnataqaqtunut ammalu inunnut puvaluttunut, ikajuqtuivattut mamisarnirmik ammalu milligiaqtitsilutik surrainrlugutiqarunnarninginnit tamatuma nuqqangatigatsaulluni qanimmasiujumi inummik, ilagiinit ammalu nunalinnit.

Nunatsiavut

Katisimaliramiit amisut puvalunnataaqsimajut aitturluigutaugunnaqtuq malittauluni inuisanniqsait puvaluliqattalirlutit. Tamanna kajusiinnaqtumi upalungaijaqsimagutauqattarialik kiutsautigigun-naqullugit ammalu aitturlugutaugunniqullugu. Nunatsiavut Gavamakkungit upalungaijautiliuqtut kiinaujaqaqtitsinikkut suqquiqsigutitsanit tarraqtuutinit ammalu sanngiliriaqtitsigutitsanillu puvalunnarmut inuusirmullu avviarutauvattunik saanngaviqaqtuni piliriatsaqaqtitsinikkut nunalinni.

Nunatsiavut

Nunavik

Nunavik

Takulugu amisuaqtiqtutit puvalunnaq aitturluigutaulauqtillugu, Nunavik saqqijaaqtitsinginnaqtuq Inunnut sivuliqtaujuut ilusilirinirmut atuutiqaatsiariangit, Inuit aanniasuuvimi pinasuttiit sivuliqtutit uppirijautsiaqtunit, nunalinni tunngaviqaqtuni sivurngasigiarutiqarnirmi qaujisaqattanirmillu pinasuaruijuunik, ammalu aanniasuqtauniq qaninnisauliqtillugu Inunnut nuttararunnaqtunik ammalu natsaratsanik qaujisarutiniq sanarrutiqaqtitaullutit ammalu sanngijunik, kajusiinnaqtunik ilinniatisigutauvattuni. Tamakkua pinasuaqtaugusingit sanngiliriaqtitsivut qaujitsautigiqattarunnannirmi ammalu kamagijaqatsautiginirlu suusugijaqatsianikkut, aaqquisuqtausimatsiatukkut piliriqatigiinnititigut piruqsaigutauvalluni nunalinni pijunnaniujuunik ikajuqtuijuiniglu sukattumik, nunalinni tunngaviqaqtuni qanuiliurutiqarnirmi, ammalu pimmaruullutik tikiutijaugasuarninganut puvalunnaq nungutitauluni Inuit Nunangannilimaaq.



ᐃᓄᐃᑦ ᑕᐱᓴᑦ ᑕᐃᓴᑦ
INUIT TAPIRIIT KANATAMI

www.itk.ca